

جریدہ علمیہ

مشیت جلیلہ اسلامیہ نکات جریدہ رسیہ سید

ربیع الآخر ۱۳۳۵

عدو: ۳۰

آیدہ بر نشر اول نور

اویختی سنہ

قوانین و نظامات

(آلمانیدن ۲,۳۵۹,۰۰۰ لیرا دها آوانس اخذیله مجموعنك ۹,۵۹۹,۰۰۰ لیرایه)
(ابلاغی و لزوم کوریله جك مقدار اوراق نقدیه اخراجی حقنده قانون)

[تقوم و قایم ایله نشری تاریخی: ۱۲ ربیع الاخره ۱۳۳۵ و ۲۴ کانون ثانی ۱۳۳۲ - نوصروسی: ۲۷۸۵]

ماده: ۱ ۳ شباط ۱۳۳۱ تاریخی قانون ایله یدی میلیون ایکی یوز قرق بیک لیرایه ابلاغ ایدلش اولان آلتی میلیون لیرالق اوچنجی آوانسه ایکی میلیون اوچ یوز الی طقوز بیک لیرا دها علاوه سیله طقوز میلیون بش یوز طقسان طقوز بیک لیرایه ابلاغنه هیئت وکلا مأذوندر.

ماده: ۲ آلمانیا حکومتی خزیننه تحویلی اوله رق آله جق اولان سالف الذکر ایکی میلیون اوچ یوز الی طقوز بیک لیرادن خزیننه جه لزوم کوریله جك قسمنك قارشیلق انجاذیله مقابلنده اومقدار اوراق نقدیه اخراجنه مأذونیت ویرلشدر.

ماده: ۳ مذکورالمقدار اوراق نقدیه متننده دخی (۱۸ تشرین اول ۱۳۳۱ تاریخی قانون موجبجه) عباره سی محرر بولنه جق و مذکور قانونك ایکنجی و اوچنجی و دردنجی ماده لری احکامی اشبو اوراق نقدیه حقنده دخی جاری اوله جقدر.

ماده: ۴ اشبو قانون تاریخ نشرندن اعتباراً مرعی الاجرادر.

ماده: ۵ اشبو قانونك اجراسنه مالیه و عدلیه ناظرلری مأوردرد.

[قوة اجرایه جه ۲۲ رمضان ۱۳۳۴ و ۱۰ تموز ۱۳۳۲ تاریخنده تنظیم و موقتاً موقع تطبیقه وضع اولنان اشبو لایحه قانونیه ۵ کانون ثانی ۱۳۳۲ تاریخنده مجلس عمومیجه تعدیلاً قبول اولنشدر.]

مجلس اعیان و مبعوثانجه قبول اولنان اشبولایجه نك قانونیتنی وقوانین دولته علاوه سنی
اراده ایلم .

۵ ربیع الاخر ۱۳۳۵ ۱۶ کانون ثانی ۱۳۳۲

محمد رشاد

صدر اعظم	مالیه ناظر وکیل	عدلیه ناظر وکیل
محمد سعید	طلعت	خلیل

★ ★

(سن مقیدلرینه کوره واصل مکلفیت اولمدقلری حالده خدمت عسکریه یه الویریشلی
(بولنانلرک جلبنه دائر ۲۶ ذی الحجه ۱۳۳۴ و ۱۱ تشرین اول ۱۳۳۲ تاریخی قانون)
(موقتک ردی حقنده مجلس مبعوثان قراوانامه سی) [*]

[تقویم وقایع ایله نشری تاریخی : ۲۰ ربیع الاخر ۱۳۳۵ و ۳۱ کانون ثانی ۱۳۳۲ - نوصهوسی : ۲۷۹۳]

سن مقیدلرینه کوره واصل مکلفیت اولمدقلری حالده خدمت عسکریه یه الویریشلی
بولنانلرک جلب و سوقی حقنده کی ۲۶ ذی الحجه ۱۳۳۴ و ۱۱ تشرین اول ۱۳۳۲ تاریخی
قرار موقتک مجلس مبعوثانک ۲۳ کانون ثانی ۱۳۳۲ تاریخنده کی انعقادنده ردینه قرار
ویرلشدر .

کاتب	کاتب	مجلس مبعوثان برنجی رئیس وکیل
ممدوح	فائق	جاهد

★ ★

[*] قانون موقت جریددنک ۲۷ نجی نسخه سنک ۷۰۴ نجی صحیفه سنده در .

معاملات دولته تقويم غريبنيك قبولي حقنده قانون

[تقويم وقايع ايله نشرى تاريخى: ۱ جادى الاولى ۱۳۳۵ و ۱۰ شباط ۱۳۳۲ - نوسروسي: ۲۸۰۳]

ماده: ۱ تاريخ هجرى قمرى كاك ان استعمال ايدملك شرطيله دولت عثمانيه معاملاتده مبدأ تقويم مستثنا اولمق اوزره تقويم غريبني قبول ايتشدرد. بناءً عليه بيسك اوچ يوز اوتوز ايكي سنهسى شباطنك اون آلتنجى كوني ۱۳۳۳ سنهسى مارتنك برنجى كوني اعتبار ايديله جكدرد.

ماده: ۲ سنه حاليه نك اون اوچ كون قيصالمسندن طولاني مكلفينك تكاليف تحققاتندن برشى تنزيل ايديله جكدرد.

ماده: ۳ اشبو قانون احكامى بوندن اول واقع اولوب مدتله مقيد اولان بالجله احوال و معاملاتده حائر تأثير دكلدرد.

ماده: ۴ بودجه سنهسى برسابق مارتدن شباط نهايته قدر اولان مدتي احتوا ايدده جكدرد.

ماده: ۵ اشبو قانونك اجراسنه هيئت وكلا مأموردرد. مجلس اعيان ومبعوثانجه قبول اولتان اشبولايجه نك قانونيتنى وقوانين دولته علاوه سنى اراده ايلدم.

۲۸ ربيع الاخر ۱۳۳۵ ۸ شباط ۱۳۳۳

شاه

شيخ الاسلام و اوقاف هايون ناظر وكيلى - صدراعظم و داخله ناظرى

محمد طلعت

موسى كاظم

حريمه ناظرى و بحريه ناظرى وكيلى

انور

خارجيه ناظرى

احمد نسيحي

معارف ناظرى و بوسته و تلفراف ماليه ناظرى عدليه ناظرى و شوراي دولت رئيسى

خليل

جاويد

و تلهفون ناظر وكيلى

احمد شكري

تجارت و زراعت ناظرى و نافع ناظرى وكيلى

مصطفى شرف

★
★ ★

مأمورین و مستخدمین علمیه دن ویا معلمیندن اولوبده عهده لرنده درسعالمق و مدرسلک و ذیل مشیختی بولنلر ایله طریق معاشی آلمش اولانلره تقاعد و عائله معاشنک صورت تخصیصی حقنده قانون

[تقویم وقایع ایله نشری تاریخی : ۲۳ جمادی الاولی ۱۳۳۵ و ۱۸ مارت ۱۳۳۳ — نومروسه : ۲۸۲۶]

ماده : ۱ مأمورین و مستخدمین علمیه دن ویا معلمیندن اولوبده عهده لرنده درسعالمق یاخود ذیل مشیختی بولنلرک حین تقاعدلرنده مأموریت ویا معلملک معاشی اوزرندن کندیلرینه ملکیه تقاعد قانونی موجبجه تقاعد معاشی تخصیص ایدیلور و بو صورتله تقاعدلری اجرا قلنلرک قید حیاته مقترن اولان درسعالمق و ذیل مشیختی معاشلری دخی تقاعد معاشیله برلکده اعطا اولنور . بولردن بعدالتقاعد وفات ایدنلرک عائله لرینه مذکور تقاعد معاشلرینه نظراً اصابت ایدن عائله معاشیله ملکیه تقاعد قانونی احکامنک مأمورین علمیه ایله ایتم و اراملنده تطبیق حقنده کی ۱۹ نیسان ۱۳۳۶ تاریخی ماده منفردۀ قانونیه نک نشری تاریخه قدر درسعام و ذیل مشیختی معاشی آله رق سبق ایدن مدته و آله قلی معاشات مقدارینه کوره ملکیه تقاعد قانونی احکامنۀ توفیقا اصابت ایدن عائله معاشی بالتوحید تخصیص اولنور . قبلالتقاعد وفات ایدنلرک عائله لرینه مأموریت ویا معلملکدن طولای اصابت ایدن معاش درسعالمق ویا ذیل مشیختدن طولای برمنوال محرر بشقه جه اصابت ایدن معاش مقداریله بالتوحید تخصیص اولنور . انجق بولردن درسعالمق و ذیل مشیختی عهده لرنده جمع ایدنلرک درسعالمق و ذیل مشیخت معاشلرندن هانکیسی فضلۀ ایسه فضلۀ سی داخل حساب ایدیلور .

ماده : ۲ مأمورین و مستخدمین علمیه دن اولوبده طریق معاشی دخی آلمش اولانلرک حین تقاعدلرنده اولجه مأموریت معاشیله برلکده آلمش اولدقلری طریق معاشی علیکله تقاعد قانونی موجبجه تقاعد معاشنک تعیین مقدارینه مأخذ اولان صوک اون

سنة به مصادف اولديني تقديرده مأموريت معاشلری بيك اوج يوز يكرمی بش سنة سی بودجه سنده او مأموريتلره و مأموريتلری ملقا ايسه معادلی اولان مأموريتلره مخصوص معاشات معده دن فضله ايسه يالكيز مأموريت معاشلری اوزرندن و نقصان ايسه نقصانی متمم معاش عد اولنه رق شخص طريق معاشلرندن اكمال صورتيله تقاعد معاشی تخصیص اولنور . فضله سی طی ايدیلور . و عائله لرینه ده بواساس دائره سنده معاش تخصیص قلدنور .

ماده : ۳ يالكيز طريق معاشی آله رق مدت تقاعدی اكمال ايتمش اولانلرك مذکور معاشلری رجال علمیه به مجدداً تخصیص ايديله چك طريق معاشاتنه دائر اولوب ۱۹ اغستوس ۱۳۲۴ تاريخنده اراده سنیة حضرت پادشاهی به اقتراان ایدن جدولده معین مقداری متجاوز بولنديني حالده فضله سی طی ايديله رك اولجه مراجعت ايتمشلر ايسه اشبو قانونك نشری تاريخندن و صكره ايسه استدعانا مه لرینك حواله سی تاريخندن ویرلك اوزره او معاشلری اوزرندن ملكیه تقاعد قانونی موجبجه تقاعدلری اجرا قلنه چنی کبی قسماً طريق قسماً ده مأموريت معاشی آلمش اولانلرك مذکور طريق معاشيله چکن مدتلی مدت مأموريتلرینه ضم ايديله رك تقاعدلری اجرا ايدیلور . و طريق معاشلری صوك اون سنة به مصادف اولديني تقديرده مذکور جدولده معین اساس بونلر حقنده ده تطبیق ايدیلور و حین وفاتلرنده عائله لرینه ده بواساس دائره سنده معاش تخصیص قلدنور .

ماده : ۴ عهده لرنده درسعاملق و یا ذیل مشیختی اولديني حالده جهت عسکریه جه عسکری تقاعد قانوننه توفیقاً تقاعدی اجرا قلنانلرك درسعاملق و ذیل مشیختی معاشلری تقاعد معاشيله برلكده اعطا قلدنور . آنجق بوكیلرك عائله لری درسعاملق و ذیل مشیخت معاشلرندن مستفید اوله مازلر .

ماده : ۵ ملكیه تقاعد قانونی احكامنك مأمورین علمیه ایله ایتم و اراملنده تطبیق حقنده کی ۱۹ نیسان ۱۳۲۶ تاریخی ماده منفردة قانونیه نك تاریخ نشرندن صكره تقاعدلری اجرا قلنانلر ایله وفات ایدنلرك عائله لری اشبو قانون احكامندن مستفید اولورلر . آنجق معاشلری اولجه مراجعت ايتمشلر ايسه اشبو قانونك نشری تاريخندن و صكره مراجعت ايدرلر ايسه استدعانا مه لرینك حواله سی تاريخندن اعطا اولنور .

ماده : ۶ اشبو قانونك نشری تاريخندن اعتباراً عهده لرنده مأموريت و یا معلمك

اولانلرك درسعالمق و ذیل مشیخت معاشلری عائدات تقاعدیهیه تابع اولیوب اجرت نامیه اعطا اولنور .

ماده : ۷ مأوریت ویا معلمك ایله درسعالمق و ذیل مشیختی عهدہ لرنده جمع ایدنلردن اشبو قانونك تاریخ نشرندن صكره انفصال ایدنلره درسعالمق و ذیل مشیخت معاشلری معزولیت معاشیه برلكده اعطا قنلور .

ماده : ۸ اشبو قانونك اجرای احكامنه مالیه ناظری مأوردور .
مجلس اعیان و مبعوثانجه قبول اولنان اشبولایحهك قانونیتنی و قوانین دولته علاوه سنی

اراده ایلدم . ۲۱ جادی الاولى ۱۳۳۵ ۱۵۱۳۳۵ مارت ۱۳۳۳

محمد رشاد

مالیه ناظری
صدر اعظم
جاوید
محمد طلعت

*
* *

خرجه تابعیتنه دائر احکام موجود اولیان و نائق شرعیه خرچلریله

بعض معافیات و تأجیلات حقنده قانون

[تقویم وقایعه نشری تاریخی : ۲۶ جادی الاولى ۱۳۳۵ و ۲۱ مارت ۱۳۳۳ — نومروسى : ۲۸۲۹]

ماده : ۱ محاکم شرعیه جه تنظیم ایدلمکده اولوب خرجه تابعیتی حقنده احکام موجود اولیان کافه و نائق شرعیه دن مبلغ معینی حاوی ایسه یوز غروشدہ یکریمی پاره و مبلغ معینی حاوی دکلسه مقطوعاً اون غروش خرچ النیر .

ماده : ۲ محاکم شرعیه جه تنظیم اولنان و مبلغ ویا مال معینی غیر حاوی اولان و نائق شرعیه ایله و کائننامه لرك ملازم نانی رتبه سنك مادوننده اولوب تحت سلاحده بولنان

عساكره وفقر حاللرى على الاصول تحقيق ايدى جك كسه لره عاىد اولنلرندن خدمه اجر تندن
ماعداد بركونه خرج ورسم اخذ اولنماز .

ماده : ۳ محاكم شرعيه جه تنظيم اولنان ومبلغ ويا مال معينى حاوى اولان وثائق
شرعيه ايله وكالتمه لرك ملازم ثانى رتبه سنك مادوننده اولوب تحت سلاحدى بولنان
عساكره وفقر حاللرى على الاصول تحقيق ايدى جك كسه لره عاىد اولنلرندن محتاج اجرا اولمدينى
تقديرده كذلك خدمه اجر تندن ماعداد خرج ورسوم النماز محتاج اجرا اولنلرك خرجلى
دايره اجرايه مراجعت وقوعى تقديرنده حين اجرا ده النفق اوزره تأجيل اولنور .

ماده : ۴ اشبو قانون تاريخ نشرنندن اعتباراً مرعى الاجرادر .

ماده : ۵ اشبو قانونك اجراسنه شيخ الاسلام وماليه ناظرى مأموردر .

مجلس اعيان ومبعوثانجه قبول اولنان اشبو لايحه نك قانونيتنى وقوانين دولته علاوه سنى

اراده ايلدم .

۲۱ جادى الاولى ۱۳۳۵ ۱۵ مارت ۱۳۳۳

محمد رشيد

صدراعظم
عمد طلعت

شيخ الاسلام
موسى كاظم

ماليه ناظرى
جاويد

